

Зурагъар кегдджӱх нӱӱлгън

Новосибирск областин Сузунск районд бӱӱсн хальмгуд, мана танъгъч шинӱс тогтджанинъ сонъсад, икӱр байр кецхӱв. Тер дарунъ хальмгудин хург болад, СССР-н Деед Советин Президиумин Указ цӱӱлгъдж ӱггдснд, хальмг улс 1957—1958 джилмӱдин эргцд нӱӱдж эврӱннъ газрур одцхӱмн гидж цӱӱлгъвр кегдв.

Мана района хальмгуд ик зуудан производствд кӱдлджӱцхӱнӱ. Тиигӱд, эдниг цӱврӱлдж, зурагъар, диг-дарагъар нӱӱлгъ келгън ик чинр

зӱӱв. Терӱгинъ тоолад, хальмгуд хоорндан кӱӱндвр кегӱд, Сузунск химзаводин гардачнр-ла харгъад, оln биш ӱрк-бӱлмӱдӱр таслдж нӱӱх болдж гарцхала.

Июнин 19-д мана заводин кӱдлӱчнр дундас 14 ӱрк-бӱлтӱрӱн партъд туссн, эврӱннъ Хальмг танъгъчур нӱӱдж одцхав. Эдн цугтан чидмг-чадмг, кӱллмшин сӱн эрдмтӱ улс. Арднъ ӱлдсн хальмгуд эдниг байртагъар хаалгъднъ орулдж йовулцхав.

С. МАНДЖИЕВ.
Новосибирск область.